

Boletin informativo

Di promé trimèster 2023

Bonbiní! Den e boletin informativo akí nos ta pone bo na altura di e último informenan tokante penshun. Hopi plaser ku lesamentu.



'Blog' di presidente

Tempunan turbulento

E guera na Ukrania, ku a kuminsá na 2022, konosé impaktonan personal i ekonómiko grandí mundialmente. Ekonomia ta duna muestra di un reseshon ku inkietut riba merkadonan finansiero i subida di preis konsiderabel. Invershonistanan ta haña nan mes konfrontá ku resultadonan di invershon desepshonante. Esei ta konta tambe pa PCN.

Kiko esaki ta nifiká pa bo penshun? Nos grado di kobertura a subi solamente limitá debí na e desaroyonan akí. Pa e motibu ei e grado di kobertura no tabata suficiente ainda pa oumentá bo penshun entrante 1 di yanüari 2023. Afortunadamente den 2022 si PCN por a hisa bo penshun ku un suma adishonal di 4%. Si e interes keda desaroyá su mes positivamente e ora ei nos ta ferwagt ku nos grado di kobertura tambe lo subi e temporada benidero. Ta importante si e ora ei ku e invershonnan tambe ta demostrá un resultado positivo. Basá riba e resultadonan riba riba 31 di desèmber 2023 nos lo por tuma un desishon numa tokante oumentu di e penshun.

E prima di penshun ku abo i di bo dunadó di trabou ta paga ta keda igual. Esei ta 22% di e parti di bo salario riba kua bo ta

konstruí penshun. Esaki e partnernan sosial a palabrá ku otro den e Konsulta di Sektor Hulanda Karibense. E interes di kalkulashon a subi i pa e motibu ei, ku e prima akí, nos ta alkansá den 2023 e konstrukshon di penshun kompleto di 1,71%.

Ta bon pa sa ku nos na PCN ta wak partikularmente término largu. Nos ta tene kuenta ku na kaminda ekonomia por resultá faborabel i por resultá desfavorabel. Kontratempu ekonómiko tambe ta un parti. Nos ta hasi tur loke ta na nos alkansa pa awor i den futuro sòru bon pa bo penshun, mas pagabel i sostenibel ku por.

Mas aleu bo ta lesa den e boletin informativo akí kon bo por haña un bista rápido den bo penshun i kiko e Organo di Konseho i Responsabilisashon ta hasi. Tambe gustosamente nos ta introdusí e kolaboradónan di nos front-office na boso.

Ku apertura di e añu nobo djis tras di lomba, mi ta deseá bo un bunita 2023 i partikularmente hopi plaser ku lesamentu.

Harald Linkels, Presidente

Bo penshun: ta bale la pena pa ten'é na bista!

Aña nobo a kaba di kuminsá i mayoria di e bon inteshonnan ta fresku ainda. I hustamente p'esei ta un bon momentu pa wak kon ta pará ku bo penshun.

Lesá bo resúmen di penshun

Pa esaki bo resúmen di penshun ta un bon komienso. Bo a risibí e resúmen akí den otoño di aña 2022. Bo ta mira kiko bo por spera na penshun aweró si bo situashon no kambia. Tambe tin den dje pará kiko bo partner i/dif yunan ta risibí si bo fayedé.

Tin algu ta kambia den bo bida? Tira un bista tambe riba bo penshun

Si por ehèmpel bo bira malu durante un periodo largu, si bo ta bai diborsia òf si bo haña un otro trabou, bo penshun tambe ta kambia. P'esei ta importante pa bo sa kon bo penshun ta hinká den otro. E ora ei for di awor kaba bo por tene kuenta mas tantu posibel ku bo penshun i bo no ta haña bo aweró ku sorpresanan desagradabel.

Esaki ta loke e Organo di Konseho i Responsabilisashon ta hasi

PCN ta atendé penshun di mas òf ménos 6.800 partisipante, eks partisipante i penshonado pa e dunadónan di trabou afiliá. Naturalmente ta importante pa esaki sosodé korektamente. Aki ta kaminda e Organo di Konsulta i Responsabilisashon (AVO) di PCN ta bin aden. AVO ta konsehá direktiva riba petishon i spòntan, na nòmber di dunadónan di trabou, empleadonan i di esnan ku derechi riba penshun, tokante (futuro) desishonnan. Tópikonan ku AVO ta konsehá direktiva riba dje ta por ehèmpel e prima pa e aña benidero, komunikashon tokante penshun, presupuesto òf un kambio den e reglamentu di penshun. Tambe direktiva ta duna kuenta i rason na dje tokante e maneho ku ta hiba.



AVO ta konsistí di tres miembro ku ta representá dunadó- di trabou, (eks) partisipante- i penshonadonan di PCN. Nan ta: presidente Eleyane Nicolaas (Boneiru), Jeanette Hooker (St. Eustatius) i Raquel Granger (Saba).

Bo kier sa mas tokante AVO? Wak e ora ei riba nos wèpsait: <https://pensioenfonds-cn.com/over-ons/verantwoordingsorgaan/>. Òf skèn e QR kode ku su selular òf tablèt.



PCN OFISINANAN

Ofisina di Boneiru

Kaya General Carlos Manuel Piar #5, Bonaire

T +599 717 09 84

E info-bonaire@pensioenfonds-cn.com

Sint Eustatius

Mazinga Square, Oranjestad, Sint Eustatius

T +599 318 32 18

M +599 416 68 60

E info-statia-saba@pensioenfonds-cn.com

Saba

T +599 416 68 60

E info-statia-saba@pensioenfonds-cn.com

Online

F [facebook.com/PensioenfondsCN](https://www.facebook.com/PensioenfondsCN)

I www.pensioenfonds-cn.com

Laga nos sera konosí un ratu... nos front-office



INGRA

Ora bo hasi un pregunta òf bishitá un di nos ofisinnan, bo ta bin den kontakto ku un di nos hendenan di front-office. Sheila i Ingra ta kontestá telefòn, risibí bishita i ta notifiká atministrashon di kambionan pa por ehèmpel pago di penshun.

Nan ta bo promé personanan di kontakto na PCN ora ta trata bo penshun. I nan ta hasi esaki ku hopi plaser. “Mi ta haña partikularmente agradabel e kontakto ku partisipantenan i pa hasi èkstra esfuerso pa duna nan un tremendo servisio.”, Sheila ta bisa. Ingra tambe ta haña agradabel pa yuda e hendenan ku ta pasa na ofisina òf yama ku nan preguntanan. Akibou bo ta lesa preguntanan ku ta hasi Sheila i Ingra frekuentemente.

Kuantu penshun mi ta haña ora mi bai ku penshun aweró?

Esaki ta dependé di bo salario i kon largu bo ta konstruí penshun. Kuantu penshun bo ta haña aweró bo ta mira riba bo resúmen di penshun.



SHEILA

E suma aki no ta definitivo ainda, pasobra kos por bai bon òf no ekonómikamente. Bo ta risibí e resúmen kada aña di nos.

Kuantu penshun mi eks partner ta haña di mi?

Esei ta dependé di loke abo a palabrá ku bo eks partner den e areglo di diborsio.

Kon mi ta duna di konosé ku mi ta kasá òf diborsíá?

Si bo ta kasá bo por manda nos e ora ei un kopia di bo akta di matrimonio. Si bo ta diborsíá, e ora ei bo ta manda nos un kopia di bo areglo di diborsio.

Kon mi ta duna di konosé kambionan personal?

Si bo kier partisipá un kambio personal na nos , bo por hasi esei e ora ei pa medio di e-mail òf na kantor. Esaki ta konta pa por ehèmpel un kambio di bo direkshon, nòmber, fecha di nasementu, bo number di sédula òf e idioma den kua bo kier risibí bo pòst (hulandes, ingles i papiamentu).